



# PANDUAN PERMOHONAN

SKIM RUMAH SEMBELIHAN



PENSIJILAN HALAL MALAYSIA  
(domestik)





## TAKRIFAN SKIM

Skim rumah sembelihan bermaksud skim pensijilan yang ditawarkan kepada syarikat atau pengusaha premis untuk menyembelih dan memproses haiwan halal secara komersial bagi kegunaan manusia

### SYARAT DAN KRITERIA PERMOHONAN

- Memiliki Perakuan Pendaftaran Perniagaan yang masih sah daripada SSM atau Perakuan Pendaftaran Koperasi di bawah SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan
- Memiliki lesen atau kelulusan daripada PBT atau surat pengesahan / surat sokongan yang masih sah daripada mana-mana agensi Kerajaan
- Memiliki Skim Pensijilan Veterinar atau surat perakuan/sokongan yang masih sah daripada Jabatan Perkhidmatan Veterinar (JPV)
- Beroperasi dan dipasarkan sepenuhnya sekurang-kurangnya 3 bulan sebelum membuat permohonan SPHM bagi permohonan baharu
- Beroperasi sepenuhnya sekurang-kurangnya 1 bulan di premis baharu bagi syarikat yang berpindah lokasi

### TIDAK LAYAK MEMOHON

- Rumah sembelihan yang tidak halal
- Syarikat yang mengeluarkan atau mengedar produk halal dan tidak halal
- Penggunaan jenama yang sama bagi produk atau perkhidmatan halal dan tidak halal (tertakluk kepada pemakaian di Malaysia)
- Tidak memiliki standard atau garis panduan untuk dijadikan rujukan
- Penggunaan nama syarikat, produk dan jenama yang merujuk kepada produk tidak halal atau sinonim atau menyerupai dengan produk tidak halal atau apa-apa istilah mengelirukan seperti *ham, bak kut teh, bacon, beer, rum, hot dog, charsiew* dan seumpama dengannya
- Rumah sembelihan yang boleh membawa kepada penyelewengan akidah, perkara khurafat dan penipuan

## PEMROSESAN

Setiap permohonan di bawah Pensijilan Halal Malaysia (Domestik) dikenakan bayaran fi sebanyak **RM20.00** sahaja

## PENSIJILAN RUMAH SEMBELIHAN

Setiap permohonan baharu dan pembaharuan akan dikenakan bayaran fi berikut :

INDUSTRI	JENIS HAIWAN	PENGELUARAN HARIAN	FI (RM)
Kecil	ayam atau poltri lain atau arnab	1 - 2,999 ekor	100
	kambing, biri-biri atau rusa	1 - 499 ekor	
	lembu, kerbau atau unta	1 - 49 ekor	
Sederhana	ayam atau poltri lain atau arnab	3,000 - 10,000 ekor	400
	kambing, biri-biri atau rusa	500 - 700 ekor	
	lembu, kerbau atau unta	50 - 100 ekor	
Besar	ayam atau poltri lain atau arnab	> 10,000 ekor	700
	kambing, biri-biri atau rusa	> 700 ekor	
	lembu, kerbau atau unta	> 100 ekor	

## PENGECUALIAN

MUIS berkuasa mengecualikan bayaran fi bagi mana-mana permohonan yang diuruskan sepenuhnya oleh mana-mana agensi kerajaan

## KAEDAH PEMBAYARAN

- Syarikat/pemohon hendaklah membuat bayaran dalam tempoh **14 hari bekerja** setelah menerima surat caj melalui sistem MYeHALAL
- Kaedah pembayaran fi hendaklah dilakukan secara bayaran dalam talian (*online payment*), QR Code dan cek sahaja
- Pembayaran fi hendaklah dibuat atas nama Tetuan Majlis Ugama Islam Sabah
- Setiap pembayaran fi yang telah dijelaskan hendaklah dikeluarkan resit bayaran dan dikemukakan kepada MUIS
- Fi yang telah dibayar tidak akan dikembalikan dan tidak boleh dipindahkan ke permohonan lain
- MUIS berkuasa mengenakan fi tambahan sekiranya maklumat penentuan kadar fi yang dikemukakan oleh syarikat/pemohon adalah tidak tepat





Syarikat/pemohon hendaklah terdiri daripada rumah sembelihan haiwan halal bagi tujuan komersial di bawah kategori poltri dan ruminan, termasuk arnab dan landak



Rumah sembelihan hendaklah memilih Skim Pensijilan Veterinar atau surat perakuan atau surat sokongan yang masih sah daripada JPV (yang mana berkaitan)



Setiap pengendali makanan hendaklah mendapatkan suntikan vaksinasi anti tifoid yang masih sah daripada pengamal perubatan berdaftar



Setiap pengendali makanan hendaklah memiliki Sijil Latihan Pengendali Makanan daripada institusi yang diiktiraf oleh Kementerian Kesihatan Malaysia (KKM)



Keperluan MS 1500:2009 *Halal Food-Production, Preparation, Handling and Storage-General Guidelines (Second Revision)*, MS 1500:2019 *Halal Food-General Requirements (Thirds Revision)*, Animal Rules 1962, Akta Binatang 1953 (Semakan 2006), Akta Rumah Penyembelihan (Penswastaan) 1993, *Ordinance Sabah Slaughterhouse Rules 2004* (Sabah), Akta Makanan 1983 (Akta 281), Peraturan-Peraturan Makanan 1985, Peraturan-Peraturan Kebersihan Makanan 2009 serta lain-lain perundangan dan peraturan terkini yang dikuatkuasakan oleh pihak berkuasa berkaitan hendaklah dipatuhi



Penyembelih dan pemeriksa halal hendaklah memiliki sijil kursus tauliah sembelih daripada MUIS



Keperluan pekerja Muslim hendaklah dipatuhi dan MHMS hendaklah dilaksanakan secara berkesan dengan memenuhi elemen berikut;



### INDUSTRI KECIL

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Penyelia Halal berjawatan tetap hendaklah dilantik di premis
- IHCS hendaklah dibangun dan dilaksanakan berdasarkan Manual MHMS 2020



### INDUSTRI SEDERHANA & BESAR

- Minimum 2 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Eksekutif Halal berjawatan tetap hendaklah dilantik di setiap cawangan premis
- JKHD hendaklah ditubuhkan bagi premis dan setiap cawangan premis yang mempunyai pengurusan operasi berbeza
- HAS hendaklah dibangun dan dilaksanakan berdasarkan Manual MHMS 2020



Syarikat/pemohon yang layak memohon skim rumah sembelihan adalah :

- Pengusaha rumah sembelihan ayam atau lain-lain poltri atau arnab
- Pengusaha rumah sembelihan kambing, biri-biri, rusa, lembu, kerbau atau unta
- Pengusaha rumah sembelihan lain-lain haiwan halal (tertakluk kepada kelulusan MUIS)




## PREMIS

- Rumah sembelihan hendaklah dikhususkan untuk aktiviti penyembelihan haiwan halal dan sembelihan halal sahaja
- Rumah sembelihan hendaklah mempunyai kelengkapan untuk menjalankan penyembelihan haiwan, pemprosesan dan penyimpanan produk sebelum diedar atau dijual
- Rumah sembelihan hendaklah direka bentuk dan dibina bagi memudahkan pembersihan dan penyahjangkitan serta mempunyai kemudahan dari segi ruang yang mencukupi seperti:
  - tempat pemunggahan atau penurunan dan penyimpanan sementara
  - tempat penyembelihan
  - tempat pemprosesan
  - tempat penyimpanan sementara sebelum diagihkan
  - tempat pengurusan sisa pepejal, sistem pengolahan efluen (SPE) dan sistem pengurusan enapcemar daripada SPE
  - stor penyimpanan peralatan dan pakaian



## PENYEMBELIH

- Penyembelih hendaklah 1 Muslim yang waras, baligh, mengamalkan ajaran Islam, mempunyai pemahaman dan pengetahuan mengenai peraturan dan syarat asas berkaitan penyembelihan dalam Islam
- Penyembelih hendaklah memiliki Tauliah Penyembelih yang masih sah daripada MUIS
- Penyembelih hendaklah memastikan haiwan masih bernyawa (*hayah al-mustaqirrah*) ketika penyembelihan dilakukan
- Bilangan penyembelih hendaklah mencukupi untuk memastikan sembelihan dapat dilaksanakan dengan sempurna ke atas haiwan
- Penyembelih boleh bergilir atau bertukar tugas dengan pemeriksa halal yang memiliki Tauliah Penyembelih yang masih sah
- Pertukaran penyembelih hendaklah dilakukan setelah sembelihan mencapai maksimum 3000 ekor bagi poltri dan maksimum 50 ekor bagi ruminan



## HAIWAN

- Haiwan hendaklah terdiri daripada haiwan halal sahaja
- Haiwan hendaklah berkeadaan sihat dan telah diluluskan oleh pihak berkuasa bertauliah yang berkenaan (JPV)
- Haiwan hendaklah dipastikan masih bernyawa (*hayah al-mustaqirrah*) ketika penyembelihan dilakukan
- Haiwan hendaklah dikendalikan dengan baik dan memastikan kebajikan haiwan dipelihara



## PEMERIKSA HALAL

- Pemeriksa hendaklah 1 Muslim yang waras, baligh, mengamalkan ajaran Islam, mempunyai pemahaman dan pengetahuan mengenai peraturan dan syarat asas berkaitan penyembelihan dalam Islam
- Pemeriksa hendaklah memiliki Tauliah Penyembelih yang masih sah daripada MUIS sekiranya turut terlibat menjalankan penyembelihan
- Bilangan pemeriksa hendaklah mencukupi dan berada di tempat (*checkpoint*) yang bersesuaian di sepanjang proses penyembelihan bagi memastikan pemeriksaan dan penelitian dapat dilaksanakan dengan sempurna ke atas haiwan seperti berikut;
  - Haiwan masih bernyawa (*hayah al-mustaqirrah*) ketika sembelihan dilakukan
  - Saluran pernafasan (*halkum*) putus dengan sempurna
  - Saluran makanan (*merih*) putus dengan sempurna
  - Kedua-dua *carotid artery* dan *jugular vein* (*wadajain*) putus dengan sempurna
  - Haiwan dikenal pasti telah mati sebelum aktiviti pemprosesan selanjutnya
  - Pelalian (*stunning*) tidak menyebabkan kematian dan/ atau keretakan pada tengkorak haiwan sembelihan
- Haiwan yang tidak sempurna disembelih dan tidak mematuhi syarat pelalian (*stunning*) hendaklah diasingkan serta dilabelkan sebagai tidak halal
- Pemeriksa boleh bergilir atau bertukar tugas dengan penyembelih sekiranya memiliki Tauliah Penyembelih yang masih sah



## PENGENDALIAN

- Haiwan hendaklah dikendalikan dengan baik bagi memastikan kebajikan haiwan terpelihara sebelum dan semasa dibawa ke tempat sembelihan
- Penyembelihan hendaklah dilakukan dengan niat kerana Allah
- *Tasmiyyah* digalakkan dilafazkan ketika penyembelihan dilakukan
- Penyembelihan digalakkan menghadap kiblat
- Penyembelihan dilaksanakan dengan memutuskan saluran pernafasan (halkum), saluran makanan (merih) dan kedua-dua *carotid artery* dan *jugular vein* (*wadajin*)
- Penyembelihan dilakukan dengan memotong pada bahagian leher di bawah biji halkum bagi haiwan berleher pendek dan selepas biji halkum bagi haiwan berleher panjang
- Penyembelihan dijalankan dengan sekali sembelihan sahaja. Pergerakan pisau yang berulang-ulang adalah dibenarkan selagi pisau tersebut tidak diangkat
- Pendarahan haiwan hendaklah berlaku secara spontan dan sempurna
- Proses susulan bagi haiwan yang telah disembelih hendaklah dilakukan selepas haiwan tersebut telah dipastikan mati. *Minor procedure* berkaitan keselamatan makanan yang dibenarkan oleh pihak berkuasa berkaitan seperti *oesophageal clipping* dibolehkan
- Tempoh pendarahan hendaklah mencukupi bagi memastikan haiwan mati dengan sempurna
- Haiwan yang telah disembelih tidak boleh dilonggok dan dibiarkan bertindihan bagi mengelakkan haiwan tersebut mati kelemasan
- Prosedur penyembelihan haiwan yang tidak mematuhi keperluan Pensijilan Halal Malaysia hendaklah dibangunkan dan pelaksanaannya adalah tidak terhad kepada pengeluaran dari aliran pemprosesan halal, pelupusan dan pemprosesan di premis lain
- Haiwan sembelihan yang tidak mematuhi keperluan Pensijilan Halal Malaysia hendaklah dikenal pasti, diasing, ditanda dengan jelas dan dilabel sebagai tidak halal
- Proses pelecuran bagi poltri hendaklah dilakukan selepas haiwan mati dengan sempurna
- Aktiviti yang terlibat dalam penyembelihan seperti mencelur, melapah, memotong dan membungkus hendaklah dijalankan di premis yang sama



## PELALIAN (*STUNNING*)

- Pelaksanaan pelalian ke atas haiwan adalah tidak digalakkan
- Syarat-syarat yang ditetapkan oleh MUIS hendaklah dipatuhi sekiranya pelalian dijalankan
- Alat pelalian hendaklah sentiasa di bawah penyeliaan pekerja Muslim yang terlatih dan dipantau secara berkala oleh MUIS
- Panel kawalan pelalian hendaklah sentiasa di bawah kawalan pihak yang diberi kuasa termasuklah perlu di kunci, tidak mudah diakses oleh lain-lain pihak dan tidak mudah ubah laras tanpa kawalan
- Haiwan hendaklah dipastikan masih bernyawa (*hayah al-mustaqirrah*) sebelum menjalani pelalian
- Pelalian hendaklah tidak menyebabkan haiwan mati atau mengalami kecederaan fizikal yang kekal
- Alat pelalian hendaklah dikhususkan untuk kegunaan haiwan halal dan tidak digunakan untuk haiwan dalam kategori najis *mughallazah*
- Pelalian hendaklah dilakukan sekali sahaja bagi setiap haiwan pada satu-satu masa
- Kaedah pelalian yang dibenarkan hendaklah tertakluk kepada kelulusan MUIS
- Pelalian jenis elektrik dan *pneumatic percussive* dibenarkan
- Pelalian jenis elektrik hendaklah digunakan di bahagian kepala sahaja di mana kedua-dua elektrod diletakkan pada bahagian kepala haiwan
- Alat pelalian jenis elektrik bagi poltri yang dibenarkan adalah jenis takungan air (*waterbath*) sahaja
- Kekuatan arus elektrik yang digunakan hendaklah diawasi oleh pekerja Muslim yang terlatih serta dipantau oleh MUIS
- Alat pelalian *pneumatic percussive* hendaklah digunakan untuk haiwan besar seperti lembu dan kerbau sahaja
- Tekanan udara yang digunakan pada alat pelalian *pneumatic percussive* hendaklah tidak melebihi 225 psi dan hendaklah diselaraskan kepada kuasa minimum yang diperlukan semasa pelalian
- Kepala alat pelalian *pneumatic percussive* hendaklah rata/cembung, dilindungi kolar pelindung supaya kepala alat tersebut tidak keluar melebihi 3 mm
- Kepala haiwan hendaklah dipastikan tidak bergerak sebelum alat pelalian *pneumatic percussive* dikenakan dan dihala tepat pada tulang dahi
- Alat pelalian hendaklah dikalibrasi dan diselenggara secara berkala serta direkodkan



## REKOD SEMBELIHAN

- Rekod sembelihan harian hendaklah disediakan dengan tepat, lengkap, kemas kini dan mudah untuk dirujuk semasa pemeriksaan Pensijilan Halal Malaysia
- Rekod sembelihan hendaklah mengandungi maklumat dan tidak terhad kepada :
  - rekod penerimaan haiwan hidup
  - rekod bilangan haiwan disembelih
  - rekod sembelihan salah
  - rekod haiwan mati disebabkan pelalian (*stunning*)
  - rekod haiwan dibuang (*rejected* atau *condemned*)



## PEMBAHARUAN

- Permohonan SPHM hendaklah dilakukan secara dalam talian (*online*) melalui sistem MYeHALAL di [www.halal.gov.my/v4](http://www.halal.gov.my/v4)
- Permohonan pembaharuan SPHM hendaklah dikemukakan seawal 6 bulan dan selewat-lewatnya 3 bulan sebelum tamat tempoh SPHM
- Perohonan pembaharuan SPHM yang telah tamat tempoh hendaklah dikategorikan sebagai permohonan baharu
- Syarikat/pemohon hendaklah merujuk keperluan pengisian borang permohonan MYeHALAL dan keperluan yang berikut;
  - a) Sebarang penambahan produk tidak dibenarkan
  - b) Sebarang pengemaskinian maklumat berkaitan nama produk dan jenama hendaklah mengemukakan makluman rasmi kepada MUIS
- Ringkasan bahan mentah atau ramuan hendaklah dikemukakan untuk memudahkan pengenalpastian perubahan dalam permohonan pembaharuan dan permohonan terdahulu
- Permohonan yang tidak lengkap serta tidak mengikut skim dan kategori Pensijilan Halal Malaysia yang betul akan ditolak oleh MUIS
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat /pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS

## PENAMBAHAN

- Penambahan produk dalam permohonan tidak terbuka untuk skim produk makanan dan minuman

## PENGGABUNGAN

- Mana-mana permohonan penggabungan SPHM hendaklah diklasifikasikan sebagai permohonan baharu
- Permohonan penggabungan SPHM yang masih sah atau baharu (jika berkaitan) dibenarkan bagi skim produk makanan dan minuman
- Permohonan penggabungan SPHM hendaklah dikemukakan dalam tempoh 6 bulan sebelum tamat tarikh pensijilan
- Penggabungan SPHM hendaklah melibatkan kesemua produk pada SPHM yang masih sah
- Permohonan penggabungan SPHM hendaklah disertakan bersama surat iringan yang jelas menyatakan butiran permohonan terdahulu
- Prosedur permohonan penggabungan SPHM hendaklah mengikuti prosedur Pendaftaran Baharu
- SPHM yang masih sah hendaklah terbatal sekiranya permohonan penggabungan berkenaan diluluskan oleh MUIS
- SPHM yang telah dibatalkan hendaklah diserahkan kepada MUIS